

Weihnachtsmaat

Text und Musik: De Hühner (Orthographie angepasst)¹

- 1 Frittebude met Tanneschmuck
 Minschemasse un Lametta-Look
 Weihnachtsmänner medden em Gewöhl
 un jeder hät op eimol su e Gefühl
 et es en hellige Zigg aangekumme
 met Ömsatz vun riesige Summe
 et gitt vill zo kaufe, mer muss bloß hinlaufe.

Refrain:

Weihnachtsmaat es ne Famillijetreff,
 Weihnachtsmaat es e god Geschäft,
 häs de dann och Geld genug dobei?
 Weihnachtmaat – vier Woche lang,
 Weihnachtsmaat – met vill Adventsgesang,
 häs de dann och Geld genug dobei?

- 2 Wunderkääze gäge Rievkochedöff,
 en fessliche Stimmung hängk en der Luff.
 Zinnsoldate un e Chresskind us Holz,
 op die Plastikkrepp als Geschenk es et Stina ganz stolz,
 denn met Geschenke wisch Groß un Klein
 sich zom Chressfess et Hätz widder rein.
 Et gitt vill ze kaufe, mer muss bloß hinlaufe.

Refrain:

Weihnachtsmaat es ne Famillijetreff,
 Weihnachtsmaat es e god Geschäft,
 häs de dann och Geld genug dobei?
 Weihnachtmaat – vier Woche lang,
 Weihnachtsmaat – met vill Adventsgesang,
 häs de dann och Geld genug dobei?

- 3 Dä Papp kritt e Ölbild, made in Taiwan,
 hä soll dann ens luure, wo hä't ophänge kann.
 Jet Nötzliches för uns Mamm, ne Schrubber villleich,
 un Parfüm för mi Susi, weil et gään su god rüch.
 Och unse Fifi es nit mih allein,
 bieß ne Weihnachtsmann en et Bein,
 dä kann nit mih laufe, kann nix mih verkaufe – om Weihnachtsmaat!

Refrain:

Weihnachtsmaat es ne Famillijetreff,
Weihnachtsmaat es e god Geschäff,
häs de dann och Geld genug dobei?
Weihnachtmaat – vier Woche lang,
Weihnachtsmaat – met vill Adventsgesang,
häs de dann och Geld genug dobei?

Aus: Sid höösch, lev Lück, sid stell! Ledcher öm et Chreßfeß
© Rheinvolk-Verlag D. & G. Kürten, Köln

Vgl.: Hoerner, Ludwig (Hrsg. - für den Verein Kölsche Klaaf e.V.) Oktober 1990. *Kölsche Mädchen, Kölsche Junge, Kölsche Tön – Kölner Liederbuch Nr. 3*. Köln: Selbstverlag.

¹ nach den Richtlinien der Rechtschreibung der Akademie für uns kölsche Sproch 2007